





第一〇七八冊

四庫全書

●上海古籍出版社

本冊目次

張司業集

唐張籍撰……………一

皇甫持正集

唐皇甫湜撰……………六三

李文公集

唐李翱撰……………一〇一

歐陽行周文集

附

唐歐陽詹撰……………一九五

李元賓文編

外

唐李觀撰
陸希聲編……………二六五

孟東野詩集

唐孟郊撰
宋孟敏求編……………三一

長江集

唐賈島撰……………三八九

昌谷集

外

唐李賀撰……………四三七

附李長吉小傳

箋註評點李長吉歌詩

外

唐李賀撰
宋吳正子箋註
劉辰翁評點……………四八一

絳守居園池記

補

唐樊宗師撰
趙仁舉注……………五五五

附

元吳師道補正
許謙……………五五五

王司馬集

唐王建撰……………五七七

欽定四庫全書

集部
張司業集卷一至四

詳校官監察御史臣邱文煊

檢討臣何思鈞覆勘

總校官編修臣王燕緒

校對官主事臣陳文樞

謄錄監生臣葉中桂

欽定四庫全書

集部二

張司業集

別集類一唐

提要

臣等謹案張司業集八卷唐張籍撰籍字文
昌和州人貞元十五年進士官至國子司業
事蹟附載唐書韓愈傳中籍以樂府鳴一時
其骨體實出王建上後人概稱張王未為篤
論韓愈稱張籍學古淡軒鶴避雞羣諒矣其
張司業集
提要

欽定四庫全書

文惟文苑英華載與韓愈二書餘不概見相
其筆力亦在李翱皇甫湜間視李觀歐陽詹
之有意剗彫亦為勝之昌黎集有代籍上李
潮東書稱以盲廢然集中祭退之詩稱公比
欲為書遺約有脩章令我署其末以為後事
程則愈末之時籍猶執筆作字知其目疾已
愈世傳盲廢者非也其集為張洎所編洎集
稱自丙午至乙丑相次綴輯得四百餘篇考

丙午為南唐李昇昇元元年當晉開運三年

乙丑為宋乾德二年蓋洎搜葺二十年始成

完本亦云勤矣陳振孫書錄解題云張洎所

編輯詩名木鐸集凡十二卷近世湯中李庸

以諸本校定為張司業集八卷刻之平江此

本為明萬曆中和州張尚儒與張孝祥平湖

集合刻者尚儒稱購得河中劉侍郎本又叅

以朱蘭嵎太史金陵刊本得詩四百四十九

首并錄與韓昌黎書二首訂為八卷則已非

張洎湯中之舊然其數不甚相遠似乎無所

散佚也乾隆四十六年十二月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

張司業集

欽定四庫全書

張司業集卷

五言古詩

野居

唐張籍撰

貧賤易為適荒郊有安居端坐無餘思彌樂古人書秋
田多良苗野水多遊魚我無事與網安得克康厨寒天
白日短簷下煖賤軀四肢漸寬柔中腸鬱不舒多病減

欽定四庫全書

張司業集

志氣為客足憂虞況復時節晚覽景獨踟躕

西州

羌胡據西州近向無邊城山東收稅租養我防塞兵胡
騎來無時居人常震驚嗟我五陵間農者罷耘耕邊頭
多殺傷士卒難全形郡縣發丁役丈夫各征行生男不
能養懼身有姓名良馬不懸秣烈士不苟營所願除國
難再逢天下平

雜怨

切切重切切秋風桂枝折人當少年嫁我當少年別念
君昨征行年年役長逢妾身甘獨歿高堂有舅姑山川
豈遙遠行人自不返

三原李氏園宴集

暮春天早熟邑居苦囂煩言從君子樂樂彼李氏園
中有草堂池引涇水泉開戶西北望遠見峩峩山借問
主人翁北州佐戎軒僕夫守舊宅為客侍華筵高懷有
餘興竹樹芳且鮮傾我所持觴盡日共留連疎拙不偶
欽定四庫全書

張司業集
卷一

湖南曲

瀟湘多別離風起芙蓉洲江上人已遠夕陽滿中流驚
鷺東南飛飛上青山頭

春水曲

鴨鴨鶯鶯啞啞青蒲生春水狹蕩漾木蘭船中有雙少年
少年醉鴨不起

懷別

僕人驅行軒低昂出我門離堂無留客席上唯琴樽古
道隨水曲悠悠繞荒村遠程未奄息別念在朝昏端居
愁歲永獨此留輕景豈無經過人尋嘆門巷靜君如天
上雨我如屋下井無因同波流願作形與影

離婦

十載來夫家閨門無瑕疵薄命不生子古制有分離託
身言同穴今日事乖違念君終棄捐誰能強在茲堂上
謝姑嫜長跪請離辭姑嫜見我往將決復沉疑與我古
欽定四庫全書

張司業集
卷一

時釧留我嫁時夜高堂拊我身哭我於路陲昔日初為
婦當君貧賤時晝夜常紡績不得事蛾眉辛勤積黃金
濟君寒與餓洛陽買大宅邯鄲買侍兒夫婿乘龍馬出
入有光儀將為富家婦永為子孫資誰謂出君門一身
上車歸有子未必榮無子坐生悲為人莫作女作女實
難為

憶遠曲

水上山沉沉征途復繞林途荒人行少馬迹猶可尋雪

中獨立樹海口失侶禽離憂如長綫千里縈我心

宛轉行

華屋重翠幄綺席雕象牀
遂漏微更疎薄衾中夜涼
鑪氣暗徘徊寒鐙背斜光
妍姿結霄態寢辟幽夢長
宛轉復宛轉憶君更未央

新桃

桃李何婆婆校葉四面多
高未出牆顛蒿莧相凌摩
植之三年餘今年初試花
秋來未成實其陰良已嘉
青蠟

欽定四庫全書

張司業集

四

不來鳴安得迅羽過常恐
牽絲虫蒙幕成網難顧託
戲童兒勿折我柔柯明年
結甘實磊磊克汝家

惜花

庭樹花蒙蒙墜地無顏色
日暮東風起飄揚玉階側
殘蕊在猶稀青條發復直
為君結芳實令君勿嘆息

董公

誰主東諸侯元臣隴西公
旌節居汴水四方皆承風
在朝四十年天下誦其功
相我明天子政成如太宗
東方

有艱難公乃出臨戎單車入危城
慈惠安羣虎公謂其

黨言汝材甚驍雄為我帳下士
出入衛我躬汝息為我

子汝親我為翁衆皆相顧泣
無不和且恭其父教子義

其妻勉夫忠不自以為資
奉上但願顯公衣無文采公

食少肥醲所憂在萬人
人實我寧空輕刑寬其政薄賦

施租庸四郡三十城
不知歲饑凶天子臨朝喜元老置

在東今聞揚盛德就安我
大邦百辟賀明主皇風恩賜

重朝廷有大事就決其所
從海內既無虞君臣方肅雍

欽定四庫全書

張司業集

五

端居任僚屬宴語常從容
翩翩者蒼鳥來朝於林叢
甘瓜生場圃一蒂實連中
田隴有嘉穀異畝蕙亦同
賢人佐聖人德與神明通
感應我淳化生瑞我地中
昔者比州人但矜馬與弓
今公施德禮自然威武崇
公與其百年受祿將無窮

學仙

樓觀開朱門木樹連房廊
中有學仙人少年休穀糧
高冠如芙蓉霞月被衣裳
六時朝上清佩玉紛鏘鏘
自言

天老書秘覆雲錦數百年度一人妄泄有災殃每占有
仙相然後傳此方先生坐中堂弟子跪四廂金刀截身
髮結誓焚靈香弟子得其訣清齊入空房守神保元氣
動息隨天罡爐燒丹砂盡晝夜候火光藥成既服食計
日乘鸞鳳虛空無靈應終歲安所望勤勞不能成疑慮
積心腸虛羸生疾疹壽命多天傷身殺懼人見夜埋山
谷傍求道慕靈異不如守尋常先王知其非戒之在國
章

欽定四庫全書

張明堂集
卷一

沈千運舊居

汝北君子宅我來見頽墉亂離子孫盡地屬隣里翦土
木被丘墟蹊路不相通舊井漫草合牛羊墜其中君辭
天子書放意任體躬一生不自力家與逆旅同高議切
星辰餘聲激瘠聳方將旌舊閭百歲可封崇嗟其未積
年已為荒林叢時豈無知音莫能敦此風浩蕩竟無親
我將安所從

懷友

人生有行役誰能如草木別離感中懷乃我為桎梏百
年受命短光景良不足念我別離者願懷日月促平地
施道路車馬往不復空知為良田秋望禾黍熟端居無
儔侶日夜禱耳目立身難自覺常恐憂與辱窮賤無閒
暇疾疹多嗜慾我思攜手人逍遙任心腹

寄韓愈

野館非我室新居未能安讀書避塵雜方覺此地閒過
郭多園墟桑果相接連獨游竟寂寞如寄空雲山夏景
常晝寐密林無鳴蟬臨溪一盥濯清去肢體煩出林望
曾城君子在其間戎府草章記阻我此游盤憶昔西潭
時並持釣魚竿共忻得魴鯉烹鱸于我前幾朝還復來
嘆息時獨言

別段生

與子骨肉親願共長相隨况離父母傍從我學書詩同
在道路中講誦亦未窺為文于我前日夕生光儀行役
多疾疹賴此相扶持貧賤事俱難今日有別離我去秦

城中子留汗水涸離情兩飄斷豈異風中絲幼年獨為
客舉動難為宜努力自修勵長如見我時我時登山岡
再揖問還期還期在新年勿怨歡會遲

贈姚岱

漏天日無光澤土松不長君今職下位志氣安得揚束
髮文思壯才為國賢良無人識高韻薦于天子傍况我
愚村姿強趨利名場遠行干貴人身舉固難彰昔蓬汙
水濱今會習池陽豈無再來期顧恐非此方願為石中
欽定四庫全書

張明堂集

泉不為瓦上霜離別勿復道所貴不相忘

傷子鵠

西山無逸人忽覺大國貧良玉沉幽泉名為天下珍野
性疎時俗再命乃從君氣高終不合去如鏡上塵我初
為章句相合者有君今來吊嗣子對壘燒斯文耕者廢
其耜農者絕其薪翁無新衣裳曷用光我身莫回徒再
拜昔意安能陳遺存金石韻千載人所聞

獻從兄

悠悠旱天雲不遠如飛塵賢達失其所沉飄同衆人擢
秀登王畿出為良使賓名高滿朝野幼賤誰不聞一朝
遇讒和流竄八九春詔書近遷移組綬未及身冬井無
寒水玉潤難為焚虛懷日迢遙榮辱常保純我念出游
時每吟康樂文願言靈溪期聊欲相依因

南歸

促促念道路四支不常寧行車未及家天外非盡程骨
肉望我歡鄉里望我榮豈知東與西憔悴竟無成天寒
苦夜長窮者不念明惟離其寢牀百憂傷性靈世道多
險薄相勸莫忠誠遠游無知音不知商賈行達人有常
志愚夫勞無營舊山幸未賣言歸樂此生

欽定四庫全書

張明堂集

卧疾

身病始知道卧讀神農經空房夜留燈四壁青煒燐羈
旅逐人歡貧賤還自輕今來問良醫乃知病所生僮僕
各相憂杙曰無停聲見我形憔悴勸藥語丁寧春雨枕
席冷窓前新禽鳴開門起無力遙愛鷄犬行服藥察耳

目漸覺如酒醒方悟養生者不為憂患并

贈孟郊

歷歷天上星沉沉水中萍幸當清秋夜流影及微形君
生哀俗間立身如禮經淳意發高文獨有金石聲才名
振京國歸省東南行停車楚城下顧我不念程寶鏡曾
墮水不磨難自明苦節居貧賤所知賴友生歡會方別
離戚戚憂慮并安得在一方終老無送迎

城南

欽定四庫全書

張司業集
卷一

十

漾漾南澗水來作曲池流言尋參差島曉榜輕盈舟萬
繞不再止千尋盡孤幽藻誄人重萍分指魚遊繁蒨
愁下垂密箭翻迴輪曝鱗亂自墜陰藤斜相鈎卧蔭黑
米吐翻芰紫角稠橋低競俯僂亭近間夾猶目為逐勝
朗手因掇芳柔漸喜游來極忽疑歸無由氣狀雖可覓
纖微諒難搜未聽主人賞徒愛清華秋

夜懷

窮居積遠念轉轉迷所歸幽蕙零落色暗螢參差飛病

生秋風簾淚墮明月衣無愁坐寂寞重使奏清徽

奉和舍人叔直省時思琴

鶉鶉紫微直秋意深無窮滴漉先闌漏蕭穆禁池風竹
月泛涼影螢露澹幽叢地清物態勝宵閒琴思通時屬
雅音際迥凝虛抱中達人掌樞近亦與隱默同

野寺後池寄友

佛寺連野水池幽夏景清繁木蔭芙蓉集時有水禽鳴通
溪岸楚斷分渚流復紫唄僧鐘磬罷月來池上明友人
竟不至東北見高城獨游自寂寞況此恨盈盈

欽定四庫全書

張司業集
卷一

五

寄別

寒天正飛雪行人心切切為同萬里客中路忽離別別
君汾水東望君汾水西積雪無平岡空山無人蹊羸馬
時倚轅行行未遑食下車勸童僕相顧莫歎息詎知佳
期隔離念終無極

病中寄白學士拾遺

秋亭病客眠庭樹滿枝蟬涼風繞砌起斜影入牀前梨

晚漸紅墮菊寒無黃鮮倦遊寂寞日感嘆蹉跎年塵歡
久消委華念獨迎延自寓城闕下識君弟事焉君為天
子識我方沉病纏無因會同語悄悄中懷煎

雨中寄元宗簡

秋堂羸病起盤漱風雨朝竹影冷疎澹榆葉暗飄蕭街
徑多墜果牆隅有蛺蝶延瞻游步阻獨坐閒思饒君居
應如此恨言相去遙

惜花

欽定四庫全書

張明彙集

三

春渾足芳樹水清不如素幽人愛華景一一空山暮月
出渾氣白游魚暗衝石夜深春思多酒醒山寂寂

祭退之

嗚呼吏部公其道誠巍昂生為大賢安天使光我唐德
義動鬼神鑒用不可詳獨得雄直氣發為古文章學無
不該貫吏治得其方三次論諍退其志亦剛強再使平
山東不言所謀臧薦待皆寒羸但取其才良親朋有孤
稚昏姻有辦營如彼天有斗人可為信常如彼歲有春

物宜得華昌哀哉未申施中年遽組喪朝野良共哀矜

於知舊賜籍在江湖間獨以道自將學詩為衆體又乃

溢笈囊畧無相知人黯如霧中行北遊偶逢公盛語相

稱明名因天下聞傳者入歌聲公領試士司首薦到上

京一來遂登科不見苦貢場觀我性朴直乃言及平生

仁慈類明黨骨肉無以當坐令其子拜常呼幼時名追

招不隔日斷踐公之堂出則連轡馳寢則對榻牀搜窮

古今書事事相酌量有花必同尋有月必同望為文先

欽定四庫全書

張明彙集

三

見草曠熟偕共觴新果及異鮮無不相待嘗到今三十

年曾不少異更公文為時帥我亦有微聲而後之學者

或號為韓張我官麟臺中公為大司成念此委末秩不

能力自揚特狀為博士始獲升朝行未幾享其資遂忝

南宮郎是事賴拯扶如屋有棟梁去夏公請告養病城

南莊籍時官休罷兩月同游翔黃子陂岸曲地曠氣色

清新池四平漲中有蒲葑香北臺臨稻晴茂柳多陰涼

板亭坐垂釣煩苦稍已平共愛池上佳聯句舒遐情偶

有賈秀才來茲亦間并移船入南溪東西縱篙根劃波
激船舷前後飛鷗鷺回入潭瀨下網截鯉與魴踏沙撥
水疏樹下蒸新杭日來相與嬉不知暑日長柴翁攜童
兒聚觀於岸傍月中登高灘星漢交垂芒釣車擲長綫
有獲齊歡驚夜闌乘馬歸衣上草露光公為游谿詩唱
咏多慨慷自期此可老結社於其鄉籍受新官詔拜恩
當入城公因同歸還居處隔一坊中秋十六夜魄圓天
差晴公既相邀留坐語於塔極乃出二侍女合彈琵琶

欽定四庫全書

張司業集

七

箏臨風聽繁絲忽遽聞再更顧我數來過是夜涼難忘
公疾浸日加孺人視藥湯來候不得宿出門每迴遑自
是將重危車馬候縱橫門僕皆逆遣獨我到寢房公有
曠達識生死為一網及當臨終辰意色亦不荒贈我珍
重言傲然委衾裳公比欲為書遺約有修章令我署其
末以為後事程家人號于前其書不果成子符奉其言
甚於親使令魯論未訖註手跡今微茫新亭成未登閑
在莊西廂書剡與詩文重疊我筭盈頃息萬事盡腸情

多摧傷舊塋明津北野變動鼓鉦柳車一出門終天無
迴箱籍貧無贈貲畱用申哀誠衣器陳下帳醪餌真堂隍
明靈庶鑒知髣髴斯來饗

欽定四庫全書

張司業集

八

張司業集卷一

欽定四庫全書

張司業集卷二

七言古詩

唐 張籍 撰

春日行

春日融融池上暖，竹芽出土蘭心短。
草堂晨起酒半醒，家僮報我園花滿。
頭上皮冠未曾整，直入花間不尋徑。
樹樹殷勤盡遠行，攀枝未徧春日暝。
不用積金著青天，

欽定四庫全書

張司業集卷二

不用服藥求神仙，但願園裏花長好。
一生飲酒花前老，

寄遠曲

美人來去春江暖，江頭無人湘水滿。
浣紗石上水禽栖，江南路長春日短。
蘭舟桂楫常渡江，無因重寄雙瓊瑤。

短歌行

青天蕩蕩高且虛，上有白日無根株。
流光暫出還入地，使我年少不須臾。
與君相逢勿寂寞，衰老不復如今樂。
金卮盛酒置君前，再拜願君千萬年。

行路難

湘東行人長嘆息，十年離家歸未得。
繫裘羸馬苦難行，僮僕饑寒少筋力。
君不見牀頭黃金盡，壯士無顏色。
龍璫泥中未有雲，不能生彼升天翼。

征婦怨

九月匈奴殺邊將，漢軍全沒遼水上。
萬里無人收白骨，家家城下招魂葬。
婦人依倚子與夫，同居貧賤心亦舒。
夫死戰場子在腹，妾身雖存如畫燭。

欽定四庫全書

張司業集卷二

白紵歌

皎皎白紵白且鮮，將作春衣稱少年。
裁縫長短不能定，自持刀尺向姑前。
復恐蘭膏汗纖指，常遣傍人收墮珥。
衣裳著時寒食下，還把白鞭鞭白馬。

野老歌

老翁家貧在山住，耕種山田三四畝。
苗疏稅多不得食，輸入官倉化為土。
歲暮鋤犁倚空室，呼兒登山收橡實。
西江賈客珠百斛，船中養犬長食肉。

寄衣曲

織素裁衣獨苦辛，遠因回使寄征人。
官家亦自寄衣去，貴從安手著君身。
高堂姑老無侍子，不得自到還城裏。
慙慙為看初著時，征夫身上宜不宜。

送遠曲

戲馬臺南山簇簇，山邊飲酒歌別曲。
行人醉後起登車，席上回尊勸僮僕。
青天漫漫覆長路，遠遊無家安得住。
願君到處自題名，他日知君從此去。

欽定四庫全書

張翥集卷二

築城詞

築城處，千人萬人齊把杵。
重重土堅試行錐，軍吏執鞭催作遲。
來時一年深磧裏，盡著短衣渴無水。
力盡不得拋杵聲，杵聲未定人皆死。
家家養男當門戶，今日作君城下土。

猛虎行

南山北山樹冥冥，猛虎白日繞林行。
向晚一身當道食，山中麋鹿盡無聲。
年年養子在空谷，雌雄上山不相逐。

谷中近窟有山林，長向村家取黃犢。
五陵年少不敢射，空來林下看行迹。

別離曲

行人結束出門去，幾時更踏門前路。
憶昔君初納采時，不言身屬遼陽戍。
早知今日當別離，成君家計良為誰。
男兒生身自有役，那得誤我少年時。
不如逐軍征戰死，誰能獨老空閨裏。

牧童詞

遠牧牛，遠村四面禾黍稠。
陂中饑鳥啄牛背，令我不不得戲隴頭。
入陂草多牛散行，白犢時向蘆中鳴。
隔堤吹葉應同伴，還殺長鞭三四聲。
牛羊食草莫相觸，官家截爾頭上角。

沙堤行呈裴相公

長安大道沙為堤，早風無塵晚無泥。
宮中玉漏下三刻，朱衣導騎丞相至。
路傍高樓息歌吹，千車不行行者避。
街官閭吏相傳呼，當前十里惟空衢。
白麻詔下移相印。

新堤未成舊堤盡

求仙行

漢皇欲作飛仙子年年採藥東海裏蓬萊無路海無邊
方士丹中相枕死招搖在天因白日甘泉玉樹無仙實
九皇真人終不下空向離宮祠太乙丹田有氣凝素華
君能保之昇絳霞

古釵嘆

古釵墮井無顏色百尺泥中今復得鳳凰宛轉有古儀
欽定四庫全書
張司業集 卷二
欲為首飾不稱時女伴傳看不知主羅袖拂拭生光輝
蘭膏已盡股半折雕文刻樣無年月雖離井底入匣中
不用還與墜時同

各東西

遊人別一東復一西出門相背兩不返惟信車輪與馬
蹄道路悠悠不知處山高海闊誰辛苦遠遊不定難寄
書日日空尋別時語浮雲上天雨墮地暫時會合終離
異我今與子非一身安得死生不相棄

節婦吟

君知妾有夫贈妾雙明珠感君纏綿意繫在紅羅襦妾
家高樓連苑起良人執戟明光裏知君用心如日月事
夫誓擬同生死還君明珠雙淚垂何不相逢未嫁時

永嘉行

黃頭鮮卑入洛陽胡兒持戟升明堂晉家天子作降虜
公卿奔走如牛羊紫陌旌旗播暗相觸家家鷄犬驚上屋
婦人出門隨亂兵夫死眼前不敢哭九州諸侯驚曠土
欽定四庫全書
張司業集 卷二
無人領兵來顧主北人避胡皆在南南人至今能晉語

採蓮曲

秋江岸邊蓮子多採蓮女兒凭船歌青房圓實齊戢戢
爭前競折漾微波試索綠莖不尋藕斷處絲多刺傷手
白練束腰袖半捲不插玉釵妝梳淺船中未滿度前洲
借問阿誰家住遠歸時共待暮湖上自美芙蓉還蕩漿

傷歌行

黃門詔下促收捕京兆尹繫御史府出門無復部曲隨

親戚相逢不容語辭成謫尉南海州受命不得須臾留
身著青衫騎惡馬東門之外無送者郵夫防吏急喧嘩
往往驚墮馬蹄下長安里中荒大宅東門已除十二戟
高堂舞榭鏤管絃美人遙望西南天

北印行

洛陽北門北印道喪車轆轤入秋草車前齊唱薤露歌
高墳新起日我我朝朝暮暮人送葬洛陽城中人更多
千金立碑高百尺終作誰家柱下石山頭松栢半無主
地下白骨多於土寒食家家送紙錢烏鳶作窠銜上樹
人居朝市未解愁請君暫向北印遊

吳宮怨

吳宮四面秋江水江清露白芙蓉死吳王醉後欲更衣
座上美人嬌不起宮中千門復萬戶君恩反覆誰能數
君心與妾既不同徒向君前作歌舞茱萸滿宮紅實垂
秋風嫋嫋生繁枝姑蘇臺上夕燕罷他人侍寢還獨歸
白日在天光在地君今那得長相棄

關山月

秋月朗朗關山上山中行人馬蹄響關山秋來雨雪多
行人見月唱邊歌海邊漠漠天氣白胡兒夜度黃龍磧
軍中探騎暮出城伏兵暗處低旌戰漢水連天霜草平
野駝尋水磧中鳴隴頭風急鴈不下沙場苦戰多流星
可憐萬國關山道年年戰骨多秋草

少年行

少年從獵出長楊禁中新拜羽林郎獨到輦前射雙虎
君王手賜黃金璫日日闔雞都市裏贏得寶刀重刻字
百里報讐夜出城天明還在娼樓醉遙聞虜到平陵下
不待詔書行上馬斬得名王獻桂宮封侯起第一日中
不為六郡良家子百戰始取邊城功

白頭吟

請君膝上琴彈我白頭吟憶昔君前嬌笑語兩情宛轉
如縈素宮中為我起高樓更開花池種芳樹春天百草
秋始衰棄我不得白頭時羅襦玉珥色未暗今朝已道